



# মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071  
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

১৩ এপ্রিল ২০০৫

## সামরিক চিকিৎসা প্রশিক্ষণে ভারত-মার্কিন চুক্তি

নয়াদিলি— স্বাস্থ্যের ক্ষেত্রে দ্বিপাক্ষিক সহযোগিতার এক নতুন নজির গড়ে ভারত ও আমেরিকার মধ্যে সামরিক চিকিৎসা প্রশিক্ষণ সংক্রান্ত এক চুক্তি বুধবার স্বাক্ষরিত হল। ভারতের প্রতিরক্ষা মন্ত্রক ও মার্কিন প্রতিরক্ষা দপ্তরের তরফে চুক্তিতে স্বাক্ষর করা হয়েছে। এটি যৌথ ভাবে কার্যকর করবে ভারতের আর্মড ফোর্সেস মেডিকেল সার্ভিসেস এবং মার্কিন যুক্তরাষ্ট্রের মেরিল্যান্ডের বেথেসডায় অবস্থিত ইউনিফর্মড সার্ভিসেস ইউনিভার্সিটি অব হেলথ সায়েন্সেস (ইউএসইউএইচএস)। এই চুক্তির ফলে সামরিক চিকিৎসা সংক্রান্ত অভিজ্ঞতা, পেশাদারি জ্ঞান ও সুযোগ-সুবিধার পারস্পরিক বিনিময় সম্ভব হবে। শুধু তাই নয়, সামরিক চিকিৎসার সঙ্গে যুক্ত কর্মীদের তৎপরতা বাড়িয়ে তোলাও এই চুক্তির লক্ষ্য। এই উপলক্ষে আয়োজিত এক অনুষ্ঠানে ভারতে মার্কিন দূতাবাসের ডেপুটি চিফ অব মিশন রবার্ট ও বেক বলেন, “চিকিৎসক ও গবেষকদের মধ্যে এটি এমন এক কার্যকরী সম্পর্ক গড়ে তুলবে যা রোগ মোকাবিলার ক্ষেত্রে প্রকৃত সুযোগ-সুবিধা বৃদ্ধি করে উলেখযোগ্য অগ্রগতি ঘটাবে।” বিশেষত এইচআইভি/এডস সহ অন্যান্য সংক্রামক রোগ নিরাময়ের ক্ষেত্রেও একই ধরনের পারস্পরিক সহযোগিতা গড়ে তোলা যায় কিনা ভেবে দেখতে বেক অনুরোধ জানান। তিনি আরও বলেন, এভিয়ান ফ্লু এবং সার্স-এর মতো নতুন নতুন আত্মপ্রকাশকারী রোগ এবং এইচআইভি/এডস, ম্যালেরিয়া ও যক্ষ্মা মোকাবিলায় যথাযথ জনস্বাস্থ্য কর্মীর প্রয়োজন। বেক বলেন, “আমার বিশ্বাস, ঠিক এরকম ক্ষেত্রেই ভারত ও আমেরিকার মধ্যে গবেষণায় পারস্পরিক সমন্বয়ের ফলে দুই দেশই বেশ কিছু প্রয়োজনীয় তথ্য সংগ্রহ করতে পারবে।”

\*\*\*\*\*